

但弟子一年三度受炁天炁地炁日炁月炁
五星之炁南辰北斗之炁六丁六甲之炁北
斗九皇之炁三台華蓋之炁无上三天之炁
五嶽持身妙炁風雲炁雷雨炁四直之炁天
不能蓋我地不能載我衝我者死撞我者亡
急急如律令攝

念呪三編取北炁吹入水中然後向北再
念呪一編取五方炁入口灌漱入腹將水
呷三呷壓下真炁以訣彈於身中再上香
九拜而退


靈寶无量度人上經大法卷之九

靈寶无量度人上經大法卷之十


洞視降召品

夫靈寶降真召靈乃三洞飛玄之炁自然
結成靈章以召三元衆聖萬靈千真兆既
司青宮真階靈虛仙品欲降致千真役召
百靈以青縉七尺二寸中絕丹書降真符
黃篆召靈符安於靖中用黃錦作席或縉
亦得用醜禮祭之每九日祝五帝內諸存
符於掌中九祭之後真炁結秀於掌中百
日降真召靈使者玉女金童各三人隨祭
下降直衛靈文所召真靈立降于室可以
目觀天真耳聽靈音三祭之後彷彿見形
學不信為五嶽試人輕泄秘密所召不神
凡諸天仙真遵靈符而居前无此神文乃
為妄召雖精思苦徹萬无一報或有降者
多是魔試受者當依玄都憲格書三素縉
隨年及詣于經師藏空而心記不載於文
章而恐見神禽獸竊視之漏泄
玄秘耳

虛皇降真符



虛皇召靈符



先當具奏元皇具王誓請降二符乃為可
用為靈寶之樞要也修用大法利元通神
當淨左手不得犯一切穢汗石五嶽訣取
五方炁吹左手令童男童女善男子善女
人吹炁手中三吹三壓見左手碧色或青
色乃可入境餘色不可入境

五嶽真諦呪曰

紅杏 墨黑 磨真 襪臘 靈寶

念呪一編取五方炁吹訣上不得放訣以
右手於空中使二指書召真符以口吸吹
左手念呪五編取五方炁吹壇所令大人

小兒定目觀自己右手令眾人吹自再念取五方炁嘯壓之即令看人開目看自掌心有青色如碧天方始行事如未見再行持於眾人擇其所見分明如法看既見青色即呪曰

謹請虛皇降真召靈符使火急持符見形急急如靈寶律令

取東南炁吹左手又令看人三吹自又念呪三吹三壓又令見者看之即見手掌兩回赤色兩段又請又吹見左向降真符文

右向召靈符文篆文分明然後召靈寶官屬見符既見分明令某人定目看官屬不可轉睛師當去手不用其官屬於空玄之中往來顯見真形此靈寶利元通神入境秘訣不載文字口傳心授當謹秘之

召降真靈入局

先焚香洗手畢先念五嶽內律了安坐次以右手於案上書此直花押次以手掬押字入手即輪拍五嶽訣念五嶽請五方炁吹手三次又於案上書太清押直掬入左

手又輪五嶽訣念五嶽內律吹手如此三次吹看手青色如未青色又念五嶽請五方炁吹真候青色如天青色即止然後請降真召靈符使

謹請元皇降真符使玉帝召靈符使速降

取西北炁吹於左手青炁上兩邊光見紅色如未見再請降真召靈符使直至紅色方看左右掌邊見符二道一直兼一橫篆如未分明更念降真召靈符使只要分明即止然後念靈寶靈風聚煙呪曰

玉音攝炁靈風聚煙紫虛鬱秀輻翼萬仙千和萬合自然成具

取東南炁吹即見真符俱動如未動更念呪吹然後召五方童子呪曰

謹請東方青靈始老啓道童子速降急速現

形吾奉帝命與吾速降速東方炁吹

謹請南方丹靈真老啓道童子速降急速現

形吾奉帝命與吾速降速南方炁吹

謹請西方皓靈黃老啓道童子速降急速現

形吾奉帝命與吾速降速西方炁吹

謹請北方五靈玄老啓道童子速降急速現形吾奉帝命與吾速降速北方炁吹謹請中央黃靈蒼老啓道童子速降急速現形吾奉帝命與吾速降速上方炁吹

候見一方了再請第二方不可重疊一弄

請也如炁吹之後見影子分明然後念呪吹衣服分明然後看面貌不得看錯子細行用候見童子了然後請降六丁五女即念通光大明神呪請六丁六甲五女現形如大人一心觀定看玉女形狀師收手入

袖中念通光大明神呪曰

紅杏卯文墨黑文磨真文機臘文靈寶中指與生轉實獨隸文還卯可轉明文功都成文功角午上移至中聚魂攝指中文插定

右以左手輪訣隨訣念呪取天地人三炁

炁吹於鏡中再念呪

功都聚魂招八方捷疾使者天神地祇萬靈同歸合天帝敕

合明天帝日合明天帝日速露速露嚶嚶哩嵌落嵌落嵌落速來速來速來

取八方炁連訣吹於鏡上召六丁六甲五女速於鏡中見形呪曰

謹請左飛右靈甲子玉女甲戌玉女甲申玉女甲午玉女甲辰玉女甲寅玉女丁丑玉女丁亥玉女丁酉玉女丁未玉女丁巳玉女丁卯玉女

取五方炁吹先見炁後見形影衣服深淺後見面如未分明再念請呪取炁吹之如此都了方許別召仙真如不依次第必是不應雖應亦艱難此五帝六丁六甲乃萬炁之祖故先召之

召青玄府仙靈入局

謹請東極宮中長樂舍內大慈仁者尋聲赴感太乙救苦天尊乞降真炁助臣目力

取東方炁吹又念呪曰

謹請青玄靈應真童升降元命急急如青玄天尊救

直如天碧色方止然後只得召青玄府內仙曹逐一現形亦須現炁然後見影後見衣服面貌

召太陰宮仙曹入局念

太陰帝攝降



月君呪

月魄曠蕭芬豔賢家琬虛靈開鬱華結翹溼金精瑩炁容臺標

取太陰西方炁吹之然後看手內明如月即可召玉童玉女靈官功曹者之

召太陽宮仙曹入局念

太陽帝攝降



日君呪

日魂珠景照黼綠映回霞赤童玄炎颺象

取南炁吹念畢寫一團想日念呪取炁吹手中候見光如日即止如未見現再呪之直候見光取南炁又吹如光明即召玉童玉女仙曹等依前現炁影衣服相貌

七星宮仙曹入局

謹請魁魁魁魁魁魁北斗靈童一呼百應

卯中允 戌辰 再坤

彈斗在鏡上取北炁吹之如現七星方止如未現念呪再吹候見方已如數內不見

一星止注一件吉凶病人不見本命星大凶如七星足然後方可召北斗天神將吏並如前見炁影然後衣服相貌

化靖仙曹入局

先念五帝請召五方童子六丁六甲然後

念化靖呪

洞中玄虛見朗太元 八方威神使我自然 靈寶符命溥告九天 乾羅答那洞罡太玄 斬妖縛邪 殺鬼萬千 中山神呪 元始玉文 吾誦一徧 却鬼延年 按行五嶽 八海知聞 魔王束首 侍衛我軒 凶穢消蕩 道炁長存 急急如律令

取北炁吹即見樓臺官闈屋宇官館亦先見炁次見形影然後召玉童玉女官君等神霄玉府仙靈

降真召靈都呪

天書羅敷下盼太微 玄化生成靈煙九回
八景六周黃運所持 我今大願開發天機
龍漢蕩蕩无窮无極 普告三界驛龍風馳

右呪凡欲召玉府仙曹金童玉女將吏功

曹等先三檢上香念呪三徧然後隨所召
呪召之自金闕侍中三元真伯至右殿軍
隨其所主職事召而問之叩齒三四通將
召仙官符於面前香爐中焚之雙手玉清

訣

召神霄仙官呪曰

神霄玉清主者真王 文武仙官 東西華臺
雲錦玉衣 玉佩金璫 朱履寶冠 佩服印章
今當召請速降壇場 急急如
神霄玉清真王律令敕

右法念呪一徧取東南神霄炁吹淨壇中
或鑑中隨事召之

謹請某仙官疾速降臨吾奉帝勅不得久停
急急如神霄真王律令勅
如人有災厄即召解厄君如延壽即召延

壽君問命祿即召司命司錄君如設醮即
召左右倫華君隨事召之皆左右凝目將
合召仙官符燒於香爐中

召玉童呪曰

玉帝命下宣靈童速請青羽繡衣玉童霞羽
繡衣玉童碧羽繡衣玉童紺羽繡衣玉童絳
羽繡衣玉童玄羽繡衣玉童紫羽繡衣玉童
黃羽繡衣玉童為吾速降吾奉帝命與吾速
降速

召神霄玉童呪曰

謹請神霄殿下諸童子號曰玉霞吾奉帝命
與吾速降至聖至靈分明現形吾奉神霄玉
清真王律令

右法叩齒三通玉清訣東南炁吹燒符如
前若要現形先現光次現影子形貌

召神霄玉女呪曰

玉清神府中有真仙五色錦衣雲袂羽扇執
節執符飛騰九天排列儀衛召集天仙今奉
帝勅速降壇場急急如神霄玉清真王勅

又呪曰

謹集柔和之炁九靈女真命曰玉女鳳衣輕
裙真王之命召降神庭一如律令衣五色繡羽服

召玉女呪曰

謹請左靈右飛甲子玉女太玄玉女黃素玉
女絳宮玉女青腰玉女常陽玉女直印玉女
直式玉女直劍玉女直花玉女直香玉女十
天承受玉女辨魔玉女與吾速降吾奉帝命
與吾速降速

右法叩齒九通玉清訣東炁吹

召神霄玉文功曹

謹請玉清神府中有仙曹天道地道仙道神
道鬼道業道功曹等衆吾今所召疾速降臨
吾奉帝命不得久停救治百病斬伐邪精傳
達章奏上詣天庭急急如律令敕

右叩齒九通書符焚於香爐中召之

召功曹呪

玄曹玉文立功之官受事玉清奏報三天
聞吾一召速降靈壇吾奉帝命與吾速降速
右拍玉清訣取東南炁吹之

召神霄大將軍

神霄玉清十萬天丁 金玉介冑 龍條虎巾
擒制萬魔 收捉鬼神 隨符所教 道炁潛營
攝魂還魄 壽命无傾 急急如
神霄玉清真王律令敕

謹請神霄某將軍 幾人為吾速降 吾奉帝命
與吾速降速

右指玉清訣叩齒九通書符焚於香爐中
召之取東南炁吹

召神霄霹靂摧魔呪

神霄玉清 高上玉清 中有雷電 霹靂諸神
天丁力士 行風行雲 霹靂百魔 摧伐妖精
左擲流電 右擲火輪 伐暴誅惡 霹靂錘轟
雷兵千萬 火炁腥煙 吾今所召 立赴壇前
不得稽遲 救護黎元 急急如

神霄玉清王府律令敕

召神霄雷部靈官呪

南司火府 輔君上官 龍圍雨部 雷宅神庭
五方電主 霹靂神丁 受命具符 上召主靈
天尊教令 風火不停 速駕十方 法雨慈雲

迅雷搜龍 烈風雷火 掃除不祥 摧碎魔群

天獄收妖 速降真靈 急急如

可轉玉帝洞淵三昧敕

右叩齒九通指玉清訣書符焚於香爐中
取東南炁吹之

召仙官呪

高天之上 玉清為主 靈寶三炁 二省樞主
上帝主之 天曹王府 各有所職 下助玉府
分品列位 仙官所處 聞召下降 一依天璽
急急如律令

右叩齒九通指玉清訣書符焚於香爐中
取東南炁吹之

召大洞百靈神呪

玉清真主 大洞聖真 具諱隱道 黃室童君
雌雄玉女 混合將軍 召出身中 疾速現形
修行大洞 飛昇玉清 降臨真炁 合服真形
使我微視 萬劫无傾 急急如

高上神霄玉清真王律令

右叩齒九通指玉清訣書符焚於香爐中取
東南炁吹

召仙曹總章呪

高上之天 玉清為主 玄罡大魁 太玄生府
中有帝君 寶座王母 統制嘯詠 玉文金符
司治仙禁 金童玉女 校精辨魔 統制百史
上達三天 形成司舉 傳奏教令 蠲災救苦
備衛護道 囚縛鬼侮 流浪諸天 濟生度死
解厄摧怪 通達紫府 十天告命 召其所主
急急如上 清靈命元 始上帝律令敕

右叩齒九通指玉清訣書符焚於香爐中
玉清科曰 齋九日 召降仙靈 玉清局東

南炁神靈 降彷彿自知 先見炁次影 次色
次水次魄 隨見三育平局 吹鏡次如意 次空一
呪一金青分 破失之不至 三失未失 非金
骨玉相慕 道如渴嬰 求母乳去財 若百蛇
之去肌 切不可傳 延好末學之流

第九

十二

靈寶无量度人上經大法卷之十